

皇清經解

皇

清

經

解

皇清經解卷一千三百零九

春秋異文箋

仁和趙

徵君

著

宣公元年

左氏宋公陳侯衛侯曹伯會晉師于棐林伐鄭

注棐林鄭地滎陽宛陵縣東南有林鄉 釋文棐芳尾反

公羊宋公陳侯衛侯曹伯會晉師于斐林伐鄭

釋文斐芳尾反

穀梁同左氏

說見文十三年

左氏冬晉趙穿帥師侵崇

注崇秦之與國 釋文崧本亦作崇

公羊 晉趙穿帥師侵柳

傳柳者何天子之邑也曷為不繫乎周不與伐天子也

穀梁 同左氏

謹案尙書大傳云秋祀柳穀華山鄭注祭柳穀之氣于華山

柳聚也齊人語廣雅釋詁云崇聚也此必齊人讀崇為柳故

其訓同公羊崇作柳正齊人方音之轉 尙書君奭其終出

于不祥釋文終馬本作崇 隸釋漢石經其道出于不詳古韻

標準道徒苟切 玉篇鰓直壘切鰓魚也又直久切 廣韻鰓徒紅

切又直豕直柳二切 漢書地理志汝南郡鰓陽孟康曰鰓

音紂司馬相如傳上蛭蜩獒獒師古曰獒音迺高反又音柔

即今所謂戎皮為鞶褱者也戎音柔聲之轉耳 匡謬正俗

六或問曰今之戎獸皮可為褥者古號何獸何以謂之戎荅
曰案許氏說文解字曰夔食獸也李登聲類音人周反字或
作猱詩云無教猱升木毛傳云猱屬也此字既有柔音俗謂
變譌謂之戎耳猶今之香茅謂之香戎

二年
左氏秋七月乙丑晉趙盾弑其君夷臯

釋文臯古刀反

公羊秋七月乙丑晉趙盾弑其君夷猱

釋文夷猱戶刀反又古刀反二傳作夷臯

穀梁同左氏

謹案臯猱音義通周禮大祝來瞽令臯舞注臯讀為卒皐

呼之嗶來嗶者皆謂呼之入 周禮古義樂師詔來瞽皐舞

注云鄭司農云皐當爲告元謂皐之言號告國子當舞者說

文曰禮祝曰皐登訶曰奏故皐奏皆从夆周禮曰詔來鼓皐

舞皐告之也先鄭讀皐爲告者戰國策曰商君告歸延篤以

爲告歸今之歸寧也東觀漢記田邑傳云邑年三十歷卿大

夫號歸罷厭事少所嗜欲號歸卽告歸也皐讀爲告告讀爲

號皐告同音故大祝注云皐讀爲卒嗶呼之嗶漢書紀云高

祖嘗告歸之田服虔云告音如嗶呼之嗶是告又讀爲嗶然

則皐告嗶三字同物同音故二鄭所讀亦無兩義 儀禮士

喪禮招以衣曰皐某復三注皐長聲也 禮記禮運升屋而

號告曰皐某復正義皐引聲之言喪大記北面三號注號若

云皋某復也 說文口部皋咆也从口皋聲猱譚長說咆从

犬繫傳通釋臣踏案春秋左傳曰豺狼所咆豺狼犬屬咆其聲高大也本部皋氣皋白之進也从𠂇从白禮祝曰皋登譌

曰奏故皋奏皆从𠂇周禮曰詔來鼓皋舞皋告之也 王篇

犬部猱胡刀切犬呼也鳴也咆也或作猱 廣韻六豪猱熊

虎聲猱上同胡刀切 越絕書馬猱者吳伐越道逢大風車

敗馬失騎士墮歿疋馬嘯皋事見吳矣 案此亦以 山海經

北山經丹熏之山有獸焉其狀如鼠而兔首麋身其音如猱

犬畢云初學記引此猱作猱

三年

楚子伐陸渾之戎

趙徵君春秋異文箋

公羊 楚子伐賁渾戎

釋文賁渾舊音六或音奔二傳作陸渾

穀梁 楚子伐陸渾戎

謹案公羊作賁渾字之謚 潛研堂文集答問四問宣三年

楚子伐陸渾之戎公羊作賁渾賁何以有陸音曰此轉寫之

謚本當為齒即古文睦字从光先讀為六故睦亦有陸音

左氏 葬鄭穆公

公羊 葬鄭繆公

釋文繆音穆

穀梁 同左氏

說詳隱三年葬宋穆公下 史記鄭世家作繆公

五年

左氏秋九月齊高固來逆叔姬

傳秋九月齊高固來逆女自爲也故書曰逆叔姬卿自逆也

公羊秋九月齊高固來逆子叔姬

穀梁穀梁同公羊

謹案左氏脫子字 張洽春秋集傳云據高固及子叔姬來

當從公穀有子字在叔姬上

八年

左氏戊子夫人嬴氏薨

公羊戊子夫人熊氏薨

穀梁穀梁同公羊

釋文左氏作羸氏

說詳下文葬我小君敬羸下

左氏楚人滅舒蓼

注舒蓼二國名 正義曰舒蓼二國名者蓋轉寫誤當云一

國名又曰與文五年滅蓼同蓋蓼滅後更復故楚今更滅之

公羊同左氏

穀梁楚人滅舒蓼

釋文鄢音了本又作蓼國名

謹案蓼鄢古字通 詩小雅漸漸之石序荆舒不至鄭云舒

舒鳩舒鄢舒庸之屬釋文鄢音了本又作蓼 左氏桓十一

年傳將與隋絞州蓼伐楚師注蓼國今義陽棘陽縣東南湖

陽城釋文蓼音了本或作鄴同文五年傳楚子燮滅蓼注蓼
國今安豐蓼縣釋文蓼音了字或作鄴音同哀十七年傳是
以克州蓼釋文蓼本又作鄴音了說文邑部鄴地名从邑
蓼聲史記高祖功臣年表蓼侯索隱曰縣名屬六安太晉
太康三年地記蓼國先在南陽故縣今豫州鄆縣界故胡城
是潛研堂文集答問八說文鄴卽舒蓼之蓼

左氏冬十月己丑葬我小君敬嬴

注敬諡嬴姓也

公羊冬十月己丑葬我小君頃熊

穀梁同公羊

疏案文十八年注云宣母敬嬴此云頃熊者一人有兩號故

也 釋文頃熊音傾左氏作敬羸

謹案公穀作頃熊聲之譌 唐韻正一東熊古音羽陵反春秋宣八年葬我小君敬羸公羊穀梁傳並作頃熊頃音近敬熊音近羸正義不得其解乃云一人有兩號非矣左傳昭七年正義曰張叔皮論云賓爵下革田鼠上騰牛哀虎變鯨化爲熊久血爲燐積灰生蠅傅元潛通賦云聲伯忌瓊瑰而弗占兮晝言諸而暮終羸政沈璧以祈福兮鬼告凶而命窮黃母化而爲鼃兮鯨殛變而成熊二者所韻不同或疑張叔爲熊字著作郎王劭曰古人讀雄與熊皆于陵反張叔用舊音傅元用新音張叔亦作熊也案詩無羊正月及襄十年衛卜禦寇繇皆以雄韻陵劭言是也

十年

左公孫歸父帥師伐邾取繹

注繹邾邑魯國鄒縣北有繹山正義曰文十二年傳稱邾

遷于繹則繹為邾之都矣更別有繹邑今魯仍取之非取邾

之都也亦因繹山為名蓋近在邾都之旁耳釋文繹音亦

公羊公孫歸父帥師伐邾婁取類

釋文類音類又力對欺類二反

穀梁同左氏

謹案繹字在廣韻二十二昔昔為魚虞模部入聲字類字在

廣韻十八隊隊為支脂等部去聲字古音不同部公羊作類

方音之轉耳十三年齊師伐莒公羊作伐衛義與此同

十一年

左氏夏楚子陳侯鄭伯盟于辰陵

注辰陵陳地潁川長平縣東南有辰亭

公羊同左氏

穀梁夏楚子陳侯鄭伯盟于夷陵

集解夷陵齊地 釋文左氏作辰陵

謹案穀梁作夷陵方音之轉說詳見僖公元年邢遷于夷儀
下水經注洧水篇洧水又東南逕辰亭東俗謂之田城非
也蓋田辰聲相近城亭音韻聯故也經書魯宣公十一年楚
子陳侯鄭伯盟于辰陵也京相璠曰潁川長平有故辰亭

左氏丁亥楚子入陳納公孫寧儀行父于陳

羊公丁亥楚子入陳納公孫甯儀行父于陳

釋文甯乃定反又音寧

穀梁同左氏

說見僖公七年盟于甯母下

十三年

左氏春齊師伐莒

傳齊師伐莒恃晉而不事齊故也

公羊春齊師伐衛

穀梁同左氏

謹案莒字在廣韻八語語爲魚部上聲字衛字在廣韻十三祭祭爲齊部去聲字古音魚模等部不與支之等部通公羊

作衛方音之轉 韻補八語韻起釋名云起舉也一舉體也

案此亦支之等部與魚模等部方音通轉之證

左氏 冬晉殺其大夫先穀

公羊 同左氏

穀 冬晉殺其大夫先穀 唐石經改刻作穀

釋文穀戶木反一本作穀

說見文二年

十五年

左氏 仲孫蔑會齊高固于無婁

注無婁杞邑

公羊 仲孫蔑會齊高固于牟婁

梁叔

同左氏

謹案無牟古方音通轉

儀禮士冠禮記母追夏后氏之道

也釋文母音牟公食大夫禮注駕無母釋文無音牟

禮記

郊特牲毋追夏后氏之道也釋文母音牟

方言一憮牟愛

也韓鄭曰憮宋魯之閒曰牟

通雅疑始篇案盧仝詩左道

官雖樂剛腸得健無功名生地獄禮教夙天囚自注無武侯

切蓋讀無如牟也

列子黃帝篇列禦寇爲伯昏無人射釋

文無人莫侯切

莊子德充符篇申徒嘉兀者也而與鄭子

產同師於伯昏無人釋文無人雜篇作瞽人列御寇篇遇伯

昏瞽人釋文瞽音茂又音務

十六年